

BAHEBERU, KHAOLO EA PELE

 Le ho neelana ka e—e nthoana . . . Ke hopola ho se letho le fetang ka molemo, ho 'na, le fetisang Lentsoe. "Tumelo e tla ka kutlo, kutlo ka Lentsoe la Molimo."

² Ka bo Laboraro, le mohlomong ka li Sontaha, e 'ngoe ea litšebeletso tsa Sontaha, ho nea molisa phomolonyana, etsoe e mo tšoanetse, khopolo ke ho tšoarana le Buka ka Bibeleng. Re ne re tloaetse ho etsa hoo, ka linako tse ling re qete selemo holima eona.

³ Ke sa hopola re qeta selemo se tletseng Bukeng ea Tšenolo. Empa, oh, khele, lintho tseo re ileng ra ithuta tsona, le kamoo ho ileng ha babatseha! Eaba re khutla re nka Buka ea Daniele, kapa Buka ea Genese, kapa Exoda, le ho e nka feela, khaolo ka khaolo, 'me ea lohana le Bibebe eohle 'moho. Oh, ke mpa ke rata hoo!

⁴ Hamorao, re tla lokela ho nka e . . . Ha Morena a fèla a tsoella ho hlohonolofatsa le ho tsaelapele, re tla kena linthong tse tebileng ruri mona, tse tebileng ruri. 'Me re tla qala tulong ho isa tulong e 'ngoe, re haole le Lengolo, ka eona.

⁵ Ebile ke rata ho bapisa Lengolo ka Lengolo. Le tlamehile joalo. Ke setšoantšo se le seng se setle se seholo feela. 'Me Buka eo re e hlahlobang ena, re tlil'o kena, oh, pholosong, le pholisong ea Khalalelo, le mehlolong, le mehauhelong. Le, oh, ntho ka 'ngoe e khohlela mona.

⁶ 'Me ha nka fihla moo ke tlamehang ho kena likopanong . . . Ha nke ke tseba mohla ke tla kena kopanong, ho biletsoa kopanong, kaha ke sa hlophise letho hofihlela ke utloa tataiso ho etsa letho. 'Me mono e ka ba pejana ho hosasa, nka fofela California, ho nyolohela Maine kapa tulong e itseng, hohle moo A mpiletsang teng. Ke ka baka leo ke sa hlophiseng letotohalia limemo, le le lelele, hoba nke ke ka etsa hoo. Tšebetso ea ka ha e a raloa ka tsela eo, 'me e fapane.

⁷ Joale ke tlide hae ho phomola nakoana. Ke lihile lipondo tse mashome a mabeli, kopanong e fetileng ena. Moena Mercier le Moena Goad ba ne ba nyolohile, nakoana e fetileng, ha thoe, "Moena Branham, ke lemoha seo u se etsang. U kenya pelō ea hao eohle ho eona."

⁸ Ka re, "Ke oona feela mokhoa oa ho etsetsa Morena mosebetsi o khabane, ke ho lahlela sohle sa hao ka pele molemong oa Kreste; matla a hao oohle, moea oa hao oohle, pelō ea hao eohle, mohopolo oa hao oohle, sohle seo u se ruileng." Nako le nako ha u etsa letho, le etse hantle kapa se etse letho ho hang, ua bona, le tlohele feela. Haeba u tlil'o ba Mokreste, lahlela sohle sa hao ho Kreste, hoo, ke nako ea hao, talenta ea hao, sohle sa hao.

⁹ Ke eleletsoe mothoana enoa. Ke mohatsa'o, Moena Burns, na ho joalo, ea letsang le ea binang mono, bathoana ba bacha bao. 'Me—'me ha se piano, ebole ha se ogono, empa ke seletsasa mofuta, ba se tlhoronya kapa ba se tsipa, 'me ba etsetsa Morena ho hong. Ha u khona ho etsa hoo, le ho bina, hoo, ke ho hapa mee. Ho etsa ho hong, ho sa tsotolehe. Ha u—u khona ho letsas mololi, be, letsas mololi. Etsa ho hong feela. Paka feela kapa u etsetse 'Muso oa Molimo ho hong. Sohle sa hao, u se sebelisetse tšebetso ea Molimo.

¹⁰ Joale, re ke ke ra leka ho lula halelele, hoba ke le tseba le sebetsa. Le tlameha ho tsoha hoseng. 'Me ke tla tsoma sehlora hoseng ho hong le ho hong. Ke tla le bolella 'nete feela. Ke seo ke se etsang. Ke tletse hona hoo lapeng, ke ho phomola nakoana. Ke ee ke tsohle, ka bo hora ea bone, ke kene merung le, be, ke tsovee nakoana ebe kea robala. 'Me ke boetse ekelitse boima boo, ka hona ke tla phomola, ka mora nakoana, haeba u...ha Morena a ratile. 'Me hohle ho lokile.

¹¹ Ho lokile, joale, re ttil'o phetla Libibebe tsa lona. Ke le batla le ttitle le Libibebe tsa lona bosiu ka bong, le tle le...haeba le khona. Motha ha a hloka tse ling, motho ea batlang ho bala 'moho, re tšoere tse ling mona, re tla re...liashara li tla li aba. Motha o teng ea batlang e 'ngoe? Be, phahamisa letsoho la hao feela.

¹² Kea ipotsa haeba Moena...Doc, tloo koano u nke Libibebe tsena. U eme haufi mono, le Moena Burns. Na ke eona, Burns? Ke mo utloile a re...[Moena o re, "Conrad."—Mong.] Eng? ["Conrad."] Conrad. Ke mo bitsitse...Ke se ke utloa ka thata, mohlomong, Moena Neville. Ebe lebitso la Burns ke le nkile kae? Ke tseba sefahleho sa monna eo, ke mpa feela ke sa khone, ke hloloa feela ke lebitso la hae.

¹³ 'Me lea tseba, ha u hola, ke fumana ntho e le 'ngoe, ke thatafalloa ho bala Bibebe. 'Me ha ke batle ho nahana ka ho roala ligalase, ho bala Bibebe.

¹⁴ Empa, ha se khale mona, ha ke hopola kea foufala. Eaba ke ea bona Sam. Eaba Sam o re, "Bill, ha ke tsebe." Ha thoe, "Ke tla u hlophisetsa ho bonana le sepeshelisi."

¹⁵ Ka ea Louisville. E tlamehile ebe ebole thato ea Morena. Sepeshelisi se tsejoang; ke lebala lebitso la sona joale. Empa o ne a balile buka ea ka. A ba a re, "Ha u ka ea Afrika, ke batla ho ea le uena." A re, "'Me haeba u...Batho bao ba Afrika ba u rata." Le ho re, "Ba lekhonono hampe, haholo nqa thipa, ha motho u seha. Ka hona," ha thoe, "ke batla ho neela likhoeli tse tšeletseng tsa bophelo ba ka, likarong tsa mara a leihlo le linthong, ho isa...thomong." Le ho re, "Ha re ka ea 'moho, u ka fumana mohau mahlong a bona, ka tsela eo." Ha thoe, "Haeba ba jeoa ke mara ao le mesebetsi ea mahlo," ha thoe, "nka rata ho etsa hoo, ke sa lefise, likhoeli tse tšeletseng tsa eona." 'Me kea lebala na u tlameha ho mo emela nako e kae taetsong le eëna.

¹⁶ 'Me keha re lutse ka phaposinyaneng 'me eona e na le nthoana—nthoana lebone le le khubelu le bonesang, motšeо mane ho phaposi e lefifi. Khele, keha ke khona ho bala litlhaku tseo. Eaba e tšoelima ho mashopeli-holima-mashopeli. Ka khona ho o bala ka nqa tsohle. Eaba o e tšoelimisa ho leshomehlano-holima-leshomehlano, ka khona ho o bala. Eaba o o tšoelimisa ho leshome-holima-leshome, 'me ka khona ho o bala. A re, "Be, ha ho phoso e kaalo ka mahlo a hao."

¹⁷ Keha a kokositse listetoscoupu. Eaba o khohletsa selō mono, nthoana, u a tseba. Listetoscoupu tseo tsa khale, ba ba kae ba li hopolang? Re ne re tloaetse ho sheba ka tsona, re sheba litšoantšo, ka tsela eo. 'Me a re, "Na u ka bala hoo?"

Ka re, "E, monghali."

A re, "Ako mpalle ntho eo."

¹⁸ Mono keha e le, oh, seratsoana kaofela, se ka bang se *kaalo*. Ka qalella, ka se bala; a qala a se hulela holimo, ka tsela *eo*, ka 'na ka fokotsa sekhhahla le ho fokotsa sekhhahla. Eitseha a fihla boemong bo *itseng*, ka thola. A re, "Nka u bolella ntho e le 'ngoe, u tlotse mashome a mane."

Ka re, "Yup, ke hantle, khale ke a tlotse."

¹⁹ A re, "U khonne joang?" A re, "Leihlo la motho, ka tloaelo, ha u tlola mashome a mane, joaleka moriri oa hao o a pulufala, le lintho tse joalo, lipolokoe tsa mahlo li a papetlana." Ho re, "Joale, ha u ka phela halelele ho lekana, e tla boela e khutla." A re, "Pono eo ea bobeli, ba e bitsa joalo. Empa," ho re, "motho, lilemong tse ka bang mashome a mane, ka nèpahalo ba tla . . ." Ho re, "Mahlo a bona ha a na phoso."

²⁰ Nka—nka bona moriri o robetseng fatše, ho o tlosa ho 'na. Empa ha o atamela ho 'na . . .'Me a re, "Joale, u bala Bibele ea hao," ho re, "u e sutumeletsa hole le uena." Ho re, "Ka mora nakoana, sephaka sa hao ha se se lelele ho lekana, ha u sa khona—ha u sa khona ho e tšoarella bohole bo lekaneng."

²¹ Eaba o ntokisetsa para ea ligalase, 'me botlase ba tsona u ka khona, bo etselitsoe ho bala. A re, "Joale, sefaleng sa hao . . ." A nkhopola ke le e mong oa bareri bana ba maemo, u a tseba. Eaba o re . . . uena . . . Bokaholimo ke galase ea tloaelo, galase ea tloaelo feela. Athe botlase ba eona bo alafiloe, ebile ke khona ho balla haufi, u a tseba, ka tsela *eo*. Ka hona ha ke batle ho li roala; ke etsa joalo.

²² 'Me joale, thutong ea Bibele, 'me ke tšoere Testamente e Ncha bosiusing bona. Ka hona e . . . Ke tšoere Collins New Testament ebile mongolo oa eona o mahareng. Empa joale, etlare ha ke khutlela ho e 'ngoe, nka—nka tlameha ho khutlelana le bomphato ba ka, 'me—'me ke bale ka tsona. Empa leha e ka ba eng, ke—ke thabetse ho fumana ntho eo nka—nka balang ka eona. 'Me—'me—'me leha ke tšoere eng,

ke tlil'o nea mang le mang sohle sa ka, thorisong ea Molimo, kea t̄sepa O tla tlosa letšoao leo la lilemo. Nke ke ka Mo kopa ho tlosa botsofali. Ke... Yaa, ke ntho eo bohle re tlamehang ho e etsa. Re tlameha ho feta moo. 'Me kea tseba ha ke sa le moshanyana oa maoba, ke sa eme mona kalaneng. Lilemo tsa ka li mashome a mane a metso e robeli. 'Me le nahane feela, lilemo tse peli hape, e tla be e le lilemo tse mashome a mahlano, Moena Mike.

²³ Khele, ha ke e lumele! Ke feela... Ha kea tseba ke fetile lilemo tse mashome a mabeli hofihlela lilemo tse peli tse fetileng. Ke hantle. Ke hantle. Ke feela... Ke ne ke sa lumele. 'Me leha ho le joalo ke—ke... Ho thata ho lumela hofihlela ke sheba kahara galase, eaba ke—ke tseba e le eona, ke hona. Empa—empa ho sheba feela, ke ikutloa ke thabile ho feta bophelong ba ka bohle, le hona hoo kea ho lebohela, hape. Thoriso eohle ho Molimo.

²⁴ Joale, re ntse re hlahluba Buka ea Baheberu. E bile... Oh, ke e 'ngoe ea tse tebileng, ea Libuka tse enneng tsa Bibebe. Kea u bolella, ke Buka e tla hle e... Ha Molimo o lumela, re hlile re ka kena nthong ena, ke lumela re tla thola likaqa tsa gauta hofihlela re lebisa litlatse tsa lithoriso ho Molimo ka linako tsohle. 'Me joale ke...

²⁵ Buka ea Baheberu, ka nèpo seo E leng sona, eka E ngotsoe ke Mohalaleli Pauluse, mofatakanyi e moholo oa Bibebe, kea kholoa, eo lefatše le kileng la mo fuoa, kathoko ho Morena Jesu Kreste oa rōna. 'Me Pauluse o ne a arola e... Joale, Pauluse e ne e le moruti ea hloahloa oa Bibebe; ke ho re, Testamente ea Khale. E le eona feela Buka e ngotsoeng lekhatheng leo, e bitsoang Bibebe. 'Me a leka ho bontša Baheberu, a arola Testamente ea Khale a bontša Testamente ea Khale e le seriti sa e Ncha.

²⁶ Hona mono re ka kena tseleng e eang hae ra lula mono likhoeli tse tharo holima mohopolo o le mong oo, hantle mono. Ho khutlela morao hantle, holane re ka phetla Libibeleng tsa rōna joale, kaha re tšoarane le Baheberu, khaolo ea 1. Empa ha re ka phetla ho Tšenolo, khaolo 12, le ka e bona ka ho phethahala, mokhoa oa liriti tseo. Haeba... lona ba tšoereng lipensele tsa lona le tlil'o ngola Mangolo. Ho Baheb-...

²⁷ Ho Tšenolo 11, re fumana Johanne, holima sehlekehleke sa Patmose, o bone mosali a eme libakeng, a roetse letsatsi hloohong ea hae le khoeli e le tlasa maoto a hae. Mosali o ne a feheloa, ka ngoana pelehing. A tsoala ngoana e motona. Drakone e khubelu ea ema, ho metsa ngoana ha a se a belehiloe. Eaba e—e ngoana o nkeloa Lehelimong, mosali eèna a balehela lefeelleng moo a ileng a feptjoa nako, nako, le bohare ba nako, kapa nako ha e aroloa.

²⁸ Joale, mosali o na a bapisa kereke, 'me Ngoana a mo belehileng e le Kreste. Khoeli e tlasa maoto a hae e ne le molao,

letsatsi le hloohong ea hae e le mohau. Linaleli tse leshome le metso e 'meli moqhakeng oa hae e le baapostola ba leshome le metso e 'meli. 'Me ke hona moo, mono ho eng... Baapostola ba leshome le metso e 'meli e ne e le khanya kapa moqhaka oa Testamente e Ncha. Ua bona? "Hoba ha ho motheo o mong o ka behoang ho o seng o behiloe." Ua bona? Oona, Motheo, e—e Testamente e Ncha, baapostola, Thuto ea baapostola, le lintho tse joalo, ke moqhaka oa motheo oa Testamente e Ncha. Eaba hape mono ho... .

²⁹ Khoeli ke seriti sa letsatsi. Letsatsi le mpa le halimisa leseli la lona mohla le potetseng ka mora lefatše. Ebe khoeli e chabiso leseli, ho tle ho tsamauoē ka lona, nakong ea bosiu. 'Me mona re fumana setšoantšo se setle hakakang, setšoantšo se seng se setle: letsatsi le lekanya Kreste; e—e khoeli e lekanya Kereke. Tsona eka monna le mosali. Mohla Kreste a leng sieo, Kereke e halimisa Leseli le le nyenyane, Evangeli. 'Me ke—ke Leseli leo ho tsamauoang ka lona hofihlela Mora a boela a chaba, ka baka leo Kereke le Mora, khoeli le letsatsi, li nyallana hammoho. Ua bona? Khoeli ke karolo ea letsatsi, le Kereke ke karolo ea Kreste. 'Me mohla Kreste a leng sieo, Kereke e halimisa Leseli la Hae. 'Me ruri ha re bona khoeli e chabile, e a tseba hore letsatsi le chabile nqa e 'ngoe. 'Me ha feela Kereke e halimisa Leseli la Kreste, Kreste o phela nqa e 'ngoe. Amen. E nahaneng.

³⁰ Joale, molao e ne e le papiso ea mohau, feela molao ha o na matla a pholosang ho oona. Molao e ne e le feela... Molao e ne e le lepolesa. Lepolesa le u hlahlela chankaneng, empa, u a bona, ho nkile mohau ho u ntša chankaneng. Ua bona?

³¹ Ka baka leo Mali a Kreste, eona Evangeli, e re holla sebeng. Molao o re fetola baetsalibe. Molao o itse, "U moetsalibe. U se ke ua bolaea. U se ke ua feba. U se ke ua bea bopaki ba bohata." Ua bona? Ke lepolesa le u qosang 'me u molato. Empa Evangeli ke litaba tse molemo. Kreste o shoetse ho re hölla litlolong tsa rōna, ho siteloa molao. Kreste o shoetse ho re ntša.

³² Joale, Pauluse, hang hoba a sokolohe, ha a ka a rerisana le koloshe efe ea thupelo, le joalo ha a rerisana le bareri bafe. Empa na u eleletsoe? O ile a theohela Arabia, 'me teng a lula lilemo tse tharo, koana Arabia. Joale, ena, ho latela mohopolo oa ka, hoo... .

³³ Joale, re tlameha ho ala motheo oa sena, re tle re tsebe bohlokoa ba eona. 'Me thuto ea pele, bosiung bona, re tla ala motheo oa rōna.

³⁴ Joale, Pauluse e ne e le moruti ea moakang oa Bibele, kaha a rutiloe ke moholo, Gamaliele ea tummeng oa mehla eohle. A bile a tsejoa ho feta letsatsing leo, moruti e moholo eo oa molao le baporofeta. Ka baka leo, Pauluse o ne a koetlehile hantle linthong tseo.

³⁵ 'Me hape ke mo rata ka mokhoa oona, tšenolo e kholo ena, o ne a tsepahetse pelöng ea hae, 'molai, ea neng a lumetse lefu la Setefane 'me o bone Setefane a shoela tlasa majoe le makote a bolaoa ka ho tlepetsoa. Taba eo ea khathatsa Pauluse ha a bona Setefane a phahamisetsa matsoho a hae Leholidong, a re, "Ke bona Maholimo a phetliloe. Ke bona Jesu a eme letsohong le letona la Molimo." Eaba o re, "Ntate, u se ke ua ba balla sebe sena." Eaba o a ithoballa.

³⁶ Na le lemohile hoo? Ha a ka a shoa. O ile a ithoballa. Joalo feela ka... Ha ke lumele a utloile bohloko ba lejoe lefe. Joaloka lesea sefubeng sa 'mè oa lona, le a robala, le joalo Setefane a ithoballa liphakeng tsa Molimo.

³⁷ Ntho e 'ngoe teng, ka Pauluse, e ileng ea mo kheketha. Eaba eèna, monna ofe khekhethoang ke letsoalog, o leka ho E phoka, eaba o theohela ho moprista e moholo ho fuoa mangolo a 'maloa. Ho re, "Ke tla hlahlala bohle bao ba hlolieang joalo, le mahlanya ao;" etsoe ba ne ba 'nkuoa joalo, seo kajeno re ka se bitsang, ho kang "lehlanya le hlaha," kapa ntho e kang eo, le hlolieang haholo le hlophang. "Re tla theoha re e lokise."

³⁸ Eaba o a theoha, ka nthoana ea khale... e ne e se 'mila o kang oa röna. Etsoe litsela tseo tsa Palestina, ke mecha feela, e kang ea khomo hara meru moo makhomoo, le linku, le mapere, le litonki, le likamele, li tselang maralla.

³⁹ Ebile Pauluse, tseleng ea hae ea Damaseka, ekaba motšegnore o moholo, tsatsi le leng, Leseli le leholo le phatsimelang fatše la mo otla la mo lahlela mobung. Ha Le a bonoa ke mang haese Pauluse. Ke batla le elelloe hoo. 'Me hantle mona, ha ke buoe ka 'na, empa erekaha re lebisa motheong oona. Le tle le tsebe hobane eèna Jesu eo...

⁴⁰ Joale, mohla A ne a le holima lefatše mona, O itse, "Ke tsoile ho Molimo, 'me Ke khutlela ho Molimo."

⁴¹ Joale, mohla A ne a tsamaisa bana ba Iseraele, E ne e le Topallo ea Mollo. Eaba O etsoa nama, A ntano khutlela ho Topallo eo ea Mollo. Mohla A ne a kopana le Pauluse tseleng ea Damaseka, E ne e le Topallo eo ea Mollo, Leseli leo, ua bona, Leseli le leholo. 'Me Pauluse o itse, "Ke Mang eo ke mo hlorisang?"

⁴² A re, "Ke 'na Jesu, eo u mo hlorisang," Leseli. Oh, na ha A babatsehe? [Phutheho e re, "Amen."—Mong.]

⁴³ 'Me ke Enoa, bosiung bona, hantle mona le röna. Senepe sa Hae se katlatsoe hantle mono, eona Ntho eo, ua bona, Topallo ea Mollo, Leseli, kamoo A ne a le kateng, "Esale eèna maobane, kajeno, le kamehla."

⁴⁴ Joale banna ba tsamaileng le eèna ha ba bona Leseli leo, empa Le ne le teng ka ho tsoana. Litholoana lia tsoana.

⁴⁵ Joale, na ho ka etsoa hore—hore motho a bone Kreste kahara moaho oona 'me ho se motho ea Mo bonang? Ehlile. E ne e etsahale mono.

⁴⁶ E ne e etsahale bosiu mohla Petrose a leng kahara chankana. 'Me Leseli leo la kena kahara chankana, la ama Petrose, a feta pela molebeli ea kahare, molebeli ea kantle, a feta khorong, khorong e kholo, le khorong ea motse. Petrose a re, "Ekaba ke ne ke lora." Empa a qamaka, empa keha Leseli le nyametse; Kreste, Bosafeleng boo, Leseli la kamehla. Ke Eo mono. Joale, tseleng e theohang . . .

⁴⁷ 'Me le shebe, ntho e 'ngoe, haeba re ka bua ka sena, semphihlela mohopolong. Empa banna ba bohlale ba latetseng Naleli, ho tsoa hole koana India, Bochababatsatsi, likhoeli, ea feta hara liphula le mahoatata, ea feta holima libaka tsa bolepi. Etsoe ba ne ba sheba nako ea bosiu ka linaleli. 'Me ha ho ranalane kapa mang ea kileng a bua ka ho bona Naleli ntle le banna ba bohlale. E ne e reretsoe bona ho E bona.

⁴⁸ U ka bona lintho tse sa bonoeng ke mothaka e mong. Ho uena, Ke bonnete. Ho eëna, ha ba utloisise. Le tšokoloho e joalo; u ka sokoloha ua thabela mahlohonolo a Molimo, feela—feel a ho noa mahlohonolo a Molimo. Athe mothaka ea latelang, ea lutseng pela hao, "Ha ke bone letho." Ua bona? Ua bona? Ke eona. "Ke mpa ke sa e tšoare. Ha ke bone letho la taba eo." Be, o mpa feela a sa E tšoare. Ke phetho. Athe uena, u a khona.

⁴⁹ Joale lemohang, Pauluse tseleng ea hae e theosang. 'Me hang hoba a fumane boiphihlelo bo boholo bona . . . Joale, o ne a sa khotosfala . . . Ke hona ho etsang Pauluse khabane hakana, joale.

⁵⁰ Thuto ea rōna bosiusing bona ha e a teba. Ke thuto e sa tebang, empa, oh, re tla teba, ka mora nakoana. Empa ke thuto e sa tebang ena, empa feela e sa qala. 'Me seo e leng sona, ke ntho e le 'ngoe, ke ho phahamisa Jesu Kreste. Pauluse, o a qala.

⁵¹ Le pele a etsa sena, Pauluse e ne e le lekoloane la Bibele. 'Me moithuti oa Bibele a ke ke a tšetleha thuto ea hae ka khahlakhahla ea boiphihlelo. Che, monghali. Ha ba ke ba tšetleha thuto ea bona ka boiphihlelo. U ka ithuela boiphihlelo ba mofuta ofe. Empa eka khona e be HO RIALO MORENA. Hantle.

⁵² Joale, kahara Testamente ea Khale, ba ne ba bolokile mekhoa e meraro ho tseba molaetsa. Pele, molao, e ne e mpa e le molao feela. E ntano ba, ba fuoe e—e moporofeta; molori; ba boele ba boloke Urime Thammime. Joale e ka tšoana e teba nakoana.

⁵³ Urime Thammime e ne e le mokhajoana o khoesoang ke Aarone sefubeng sa hae. Ka mono ho behiloe majoe a leshome le metso e 'meli: jaspere, sardise, karbunkule, le a joalo, ho theoha. Bohle ba ena le majoe a maholo a leshome le metso e 'meli, oona a le kahara mokhajoana, hoo ha mo supa e le moprista e moholo oa leloko ka leng, maloko a Israele a leshome le metso e 'meli. Mokhajoana oona o ne o fehoa

tšieeng kahara kereke. 'Me enereha moporofeta a porofetile, 'me ba batlile kholiseho e tiileng, kapa che, baporofeta kapa balori ba ema ka pel'a Urime Thammime ena, ebe o pheta toro ea hae kapa pono ea hae, e bang a bone eng. 'Me haeba Leseli le Khethehileng... Oh, le a e bona na? Esale Molimo o ahile liemong tse mohlolo. Ho tsoakana hoo, maseli ao, a ne a ituletse ka tloaelo hofihlela puo ena e tsoa. Enereha puo e hahlamela majoe ao, haeba e ne e se mohlolo, o ne o ikhutsetsa. Empa haeba e ne e le mohlolo, Maseli ao oohle a ne a halimisa 'mala oa mookoli 'moho. Amen. E tla ba mono, ho ne ho bua Molimo, "Eo ke moporofeta oa Ka. Toro eo e tsoile ho 'Na." Ba ne ba ahlola ka Urime Thammime.

⁵⁴ Le sa hopola mohla Saule oa mongala? O itlalehile a sa lore. Athé ebile moporofeta, Samuele, o ne a shoele, mokhoa o le sieo. O itse, "Esita le Urime ha e buisane le 'na." Ho se letho. Saule a ema pela Urime, mantsoe a hae e le merethetho e shoeleng. Ua bona? Molimo o mpile oa mo hana. 'Me Urime Thummime eo, e ne e le nèpahatso ea boprista ba Aarone. Hoba Aarone a ikele, Moshe... E—e sejana seo se ile sa fehoa holima tšea.

⁵⁵ Joale, boprista ba Aarone bo khaolitse mohla Jesu a ne a eshoa. 'Me joale, molao o arotsoe ho mohau, feela re sa tšoere Urime Thammime. 'Me Pauluse o ne a E sebelisa. Ua bona? Kajeno Urime Thammime ke Lentsoe la Molimo, la Bohloleho, la Bosafeleng, la kamehla. Ua bona?

⁵⁶ "Ekare ha e mong a fokotsa letho Bukeng ena, kapa a eketsa letho ho Eona." Ha ke batle letho le kathoko ho Eona, empa ke batla sohle seo Le se tšoereng. Ke eona Kereke eo re e batlang. 'Me lintho tsohle li eka khona li nèpahatsoe ka Lentsoe.

⁵⁷ Lebaka le nqositseng ho phutla batho ba Pentekosta mohlamonene, hobane, ho thoe, "Ha kea utloisia moo oli e tšolohang matsohong a lona, kapa mali a fophang sefahlehong sa hao, e neng e le pontšo ea hobane u fumane Moea o Halalelang." Taba eo ha e kheme le Mangolo 'me ke—ke mpa ke sa khona ho e amohela. E tlameha ho tsoa Lentsoeng.

⁵⁸ 'Me joale, Pauluse, o ne a rata Lentsoe feela. Ka baka leo, le pele a ka pakela boiphihlelo bo boholo bona boo a bo sibolotseng, a theohela Egepeta lilemo tse tharo. Kea kholoa e ne e le lilemo tse tharo, lilemo tse tharo tlase Egepeta. 'Me na le tseba seo ke lumelang a se entse? Ke lumela a nkile Testamente ea Khale, a batlisisa Testamente ea Khale, le ho fumana Eo e ne e le Messia oa makoma. O ne a tlamehile ho nèpahatsa boiphihlelo ba hae ka Bibele. Amen. Oh, khili!

⁵⁹ Mo shalimeng mohla a hlahletsoeng chankaneng. Lea elelloa, ho fumnoa e—e nako e telelele ea bophelo ba Pauluse kahara chankana. O ngotse Buka ea Baefese. O ngotse Lengolo lena la Baheberu. Ua bona? A ena le nako. Molimo oa mo

khohletsa koana chankaneng, eaba o ngolla likereke Mangolo ana. Le leng ho kereke ea Efese. Le leng o le ngoletse kereke ea Pentekosta, a hlile a suhana le bona. Hara tsohle o thulane le mathata a mangata kerekeng ea Pentekosta. Le joale ho sa ituletse joalo. Empa a leboha ka baka la bona. Ntho e le 'ngoe a neng a ka ba ruta eona... Enere ha ba kena: e mong o na le puo, e mong o na le pesalema, e mong o na le t̄sisimoho, e mong o na le maikutlo. A sa khone ho bua, ho qoqa le bona, "t̄shireletso ea Bosafeleng." A sa khone ho bua le bona, "boitherelopele." A sa khone ho bua le... E ne e le masea. Bohle keha ba tlameha ho—ba tlameha ho utloa ho hong, kapa ho bona ho hong, kapa ho arubetsoa ke makutlo a hlollang, le, kapa ntho e itseng e ba teetseng hare, likholiso tse itseng.

⁶⁰ Empa kea kholoa, enereha a bua le Baefese, a ka bua ka, "Molimo o no o re rerele ho beoa bara le barali, oa re rerela ho beoa bana ka ho Jesu Kreste pele ho theoa lefatše." Shebang seo. Khele!

⁶¹ Mo shebeng ha a fihla koana Bukeng ea Baroma, le ho tse joalo. Ba ne ba holile. Oh, ehlile, ba buile ka lipuo, ba ne ba atetsoe ke lipontšo tse ling tsa Moea o Halalelang hara bona. Empa ba ne ba sa bope lithuto, le litšisimoho, le ho reketla hangata, le ho arubetsoa ke maikutlo a mohlolo.

⁶² Pauluse o itse, "Lona—lona—lona le feteletsa lintho tseo. Athe le tlamehile le be le se le ruta, empa le sa le masea a lokelang ho jesoa lebese."

⁶³ Joale, esale ke leka ho tlaleha tabernakele ena e le joalo, e seng sehlopha sa masea. A re beng batho ba holileng. Ema tseleng. Oh, khili! Ke moo he.

⁶⁴ Ka hona, Pauluse o theohela tlase mono, pele, ho bona haeba boiphihlelo ba hae bo nyalane le Bibele ea Molimo.

⁶⁵ Oh, ana ho ne ho sa tlo babatseha, kajeno, hola batho ba ka boela ba etsa hoo, holane ra nyalyanya boiphihlelo ba rōna le Bibele ea Molimo? Haeba bo sa khone, e tla ba boiphihlelo ba rōna bo fosahetse; haeba bo sa halime holima Urime Thammime. Haeba bo halima Mono, amen, o a tseba hobane o E fumane. Empa haeba bo sa etse, ho hong... Ha ke tsotelle eka bo lokile hakae, bo bonahetse bo lokile hakae; efèla ha maseli ao a sa halime holima Urime Thammime eo, bo ne bo fosahetse.

⁶⁶ 'Me ho sa natse u fumane boiphihlelo bo bo kae, bo bonahala bo nèpile hakae, bo hlalhella hantle hakae, bo rutehile hakae, ke sebetsa se se kakang ho hapa mee; haeba bo sa halime kahara Lentsoe, bo fosahetse. Hantle. Bo tlameha ho tsepama le Lentsoe.

⁶⁷ Joale, kea lumela, hore bohare ba tsela bo teng. Tsela, joale, hangata... Ke ne ke tloaetse ho etela kereke ea Nazarene. Morena a sitse batho ba ratoang bao. Bao ba mehla-ea-khale, Bamethodise ba halalelitsoeng ke seo ba leng

sona; kereke ea Molimo, Nazarene, Pilgrim Holiness, le boholo ba likereke tseo tse lokileng tseo tsa khale tsa khalalelo. 'Me ba ne ba tloaetse ho bina thoko:

Ke tsamaea 'mila oa khale o moholo,
Ke bolela hohle moo ke eang teng,
Ke be Mokreste oa sekhaleng, Morena,
Hara sohle seo ke se tsebang.

⁶⁸ Botle. Ho a babatseha. Hape ba ne ba tloaetse ho bua ka 'mila oa khalalelo. Joale, ha u ka e bala, ba e fumana ho Esaia, khaolo ea 35. Joale, ha u ka elelloa, o itse, "Ho tla ba le 'mila, *le tsela*."

⁶⁹ Joale, *le* ke lekopanyi. Ua bona? 'Mila, e ne e se 'mila oa khalalelo. "Ho tla ba le 'mila, *le tsela*, 'me o tla bitsoa, 'Tsela ea khalalelo,'" ha se 'mila oa khalalelo. "Tsela ea khalalelo!" 'Me tsela ea tsela e bohareng ba tsela. 'Me e ahiloe ka mokhoa *oona* hore metsi a tle a hlatsoetse likhoerekhoere, ka nqa tse peli, tsela eona e sale e hloekile. Ha u sa etse, u fumana liqanthana hara tsela ea hao, ka linako tsohle, haeba e sa hahuoa ka nèpahalo. "Tsela" ke bohare ba tsela.

⁷⁰ Joale, ka nqa *ena*, batho ha ba sokoloha, likello tsa bona li tsepamisitsoe ho Kreste. 'Me haeba ba batla ba hlohliloe sekolo, 'me ba sa lule tlasa thapelo, ba tla hle ba hatsele, ba satalle, ba hoame, ba be monyemo. 'Me haeba ba batla ba tšoeroe ke methapo, haeba u sa shebe, ba tla fetella 'me ba hlahafale, ka nqa *ena*, ua bona, ba sohломela litšisimohong le nthong e 'ngoe le e 'ngoe.

⁷¹ Joale, empa, Kereke ea makhonthe ke Evangelie ea makhonthe e seli, hantle bohareng ba tsela. Ha e a hatsela ebile ha e a hoama, ebile ha se bohlanya. Ke ea sebele ea makhonthe, ea khale, Evangelie e futhumetseng, ea lerato la Molimo le pelohlomohi, le tsamaeang hantle bohareng ba tsela, le hlaba mokhosni nqa tse peli. Ke hantle. Joale hoo ke seo... 'Me hoo u tla ho fumana joang, kereke? Hantle ho tsoa Lentsoeng, eona Urime Thammime.

⁷² Joale, Pauluse o ne a batlide ho hloma kereke ena hantle bohareng ba tsela, eaba o tloha ho ea batlisisa Mangolo ao a tsebileng lilemo tse tharo. Ka baka leo, Pauluse ke eëna ea ngotseng karolo e kholoanyane ea Testamente ena e Ncha. Molimo oa tlameha ho e sebetsa joalo hobane mongoaha oa Molichaba o ne o tla fihla. Mattheu, Mareka, Luka, le Johanne, Lievangelie tse 'ne, e ne e le Bajuda. Empa Pauluse o ngotse boholo ba mangolo.

⁷³ Joale elelloang, joale, re tlil'o qala re haha motheo oona joale, moo a leng teng, a Le ngola, ho tsoa chankaneng. 'Me o ne a enne boitsebelo bona bohole. Empa, pele, boiphihlelo bona bo ile ba nèpahatsoa, 'me lena ke lengolo la hae la sehlooho teng. Lena ke lengolo la hae la sehlooho. Baroma le Baefese, le a joalo, a fuoa malulo a oona, empa lena ke lengolo la sehlooho.

⁷⁴ Joale, khaolo eohle ea 1, ke eona, e fapha Jesu, e Mo khetholla ho moporofeta. Ke oona mokotaba oohle joale. Joale ke tla leka ho e sebetsa ka potlako ea bokhoni ba ka, re tle re se lule halele. Mokotaba oohle, ke ona, ke ho arola e ncha khao... e ncha... Khaolo ea 1, ke eona, e khetholla Jesu ho moporofeta ofe, kapa ho molao ofe, kapa le ho tse joalo, 'me e a supa na Jesu ke Mang. Joale shebang, "Molimo." Rea qala, lentsoe la pele, "Molimo."

Molimo, koana kha-...mehleng ea khale...

Khale e bolela "morao motšeо," nakong e fetileng.

...khale ha o ne o buile hangata le ka mekhoa e mengata le bontata rona ka baporofeta,

⁷⁵ Joale, ua bona, "Molimo, mehleng ea khale, morao motšeо, O buile le bontate ka baporofeta." O ne a tlameha ho aba Molaetsa oa Hae joalo, ka moporofeta oa Hae.

⁷⁶ Molimo o ne o roma moporofeta oa Hae joaloka Elia, Jeremia, Esaia. 'Me ha u ka elelloa, nalaneng eohle ea lefatše, kereke ha eso hlahise moporofeta. Batlisang Testamente ea Khale, Testamente e Ncha, kapa letsatsing lena, letsatsing a morao. Mpontše moporofeta a le mo ea tsoileng kerekeng letsatsing la bofelo. Mpontše ea kileng a hlahaha, a etsoa. U be u mpontše mohla moporofeta, mohlanka oa Molimo oa sebele, ea sa kang a tsuoa ke setlamo sa bolumeli ba lefatše.

⁷⁷ E nahaneng feela. Jeremia, Esaia, ho haola joalo le Testamente ea Khale, ba ile ba e ahlola. Jesu o itse, "Le khabisa mabitla a baporofeta le a soeufatsa, athe ke lona le ba hlahletseng mono." Ke hantle.

⁷⁸ Kereke e ntšeletsa hona hoo. Shebang Mohalaleli Patrick. Lona batho ba Katolike le itlaleha e le oa lona. Ha se Mokatolike ea mphetang. Ke hantle. Empa le itseka e le oa lona.

⁷⁹ Shebang Mohalaleli Francis oa Assisi. Le itsekela eèna. Ha se Mokatolike ea mphetang.

⁸⁰ Shebang Joan of Arc. Lona le mo chesitse thupeng, e le moloi, kaha a bone lipono 'me e le motho oa moea. A chesoaa thupeng. Athe mosali eo o hooelelitse a kopa ho hauheloa, eaba ba mo chesa thupeng. Haisa-isa lilemo tse ka bang lekholo hamorao, ba mo fihlela e ne le moporofeta oa mosali. E ne e le lekhabunyane la Molimo. Oh, ehlide, la hla la itlhonamela: la epolla litopo tsa baprista la li lahlela nokeng.

⁸¹ "Le hlile le khabisa mabitla a baporofeta, athe ke lona le ba kentseng teng." Hantle. Setlamo sa bolumeli ha se eso hlahise monna oa Molimo; ha se eso khone, le kajeno lekhale, ha se sa tla khona. Borapeli bo hlophiloeng ha eso be morero oa Molimo.

⁸² Kereke ea khale ho feta lefatšeng e hlophiloeng ke kereke ea Katolike; Luther, o bobeling; ho ntano latela Zwingli; ka morao ho Zwingli, ho latela Calvin; Calvin, ho tsoella, Anglican, maAnglo-Saxon a e phamola, ha ntoo latela kereke ea Anglican;

le Morena Henry oa Borobeli, mohla a ne a hanetsa, le lintho tse joalo; le ho theohela tlase ho Wesley Methodist, le Nazarenes, Pilgrim Holiness; le ho theohela ho ea ho qetela, ke Pentekosta, tsohle li hlophisitse. Athe Bibele e ruta e hlakile e re kereke ea Katolike ke e—e mosali oa setumo se sebe, athe likereke tsa Protestanta le mekhatlo ea tsona ke barali ba eona, Tšenolo 17. Ke hantle haholo. Ka baka leo ba... .

⁸³ E seng batho, joale. Botle bo kahara likereke tseo tsohle; ba halalelitsoeng, batho ba bolokehileng. Empa Molimo ha o bitse batho ba Hae ka mokhatlo. O bitsa motho ka bomong. Molimo o sebetsa le motho ka bomong, ebang u le Methodist, Baptist, Protestant, le Katolike, leha u ka bang eng. Molimo, pele ho motheo oa lefatše, o u tsebile, oa u rerela Bophelong Bosafeleng, kapa ho seng joalo u reretsoe tahleho ea Bosafeleng. Ha se hore... .

⁸⁴ E ne e se thato ea Oona hore mang a ka timela, u tle u timele. Empa, kaha E mohlokapeletso, O ne a tlameha ho tseba qetello esale qalong, ho seng joalo Eèna ha se Molimo. Ka hona Jesu ha a tla lefatšeng feela ho re, “Be, Ke tla bona haeba mang a ka ba le mohau... Ha Nka etsa ketso ea lefu, le thata, ba ka tšoha ba nahanne, ‘Be, ke...’ Hoo ho tla—ho tla qophella lipelō tsa bona, ebe moo ba tla...” Molimo ha o laole litaba tsa Oona ka tsela eo.

⁸⁵ Jesu o tletse morero o le mong o ikhethang, oo, ke ho pholosa bao Molimo, pele ho motheo oa lefatše, o ba tsebileng ba tla bolokeha. O itsalo. Ke hantle. Ka baka leo u a... “Ha se ea batlang, kapa ea mathang; ke Molimo o hauhelang.” Pauluse o itsalo. Eèna monna eo mona.

⁸⁶ O itse, “Ka baka leo Molimo khonne ho buoa, le pele Esau kapa Jakobo ba tsaloa, O itse, ‘Ke rata e mong athé e mong o hlouoe.’” Le pele moshanyana ofe a ka tsoaloa, Molimo o tsebile Esau e le molotsana, athe O tsebile Jakobo e ne e le... o ne a rata tokelo ea boholo ba hae. Ka hona O tsebile, le pele lefatše le boptjoa, mabapi le eona. Joale, re tla fumana motsotsong na enoa Ea tsebileng sena e ne e le mang. Khaolo ena e tšoere hoo.

Molimo, ... o boletse *hangata* mohla *ea khale le ka*
mokhoa o mengata ... ho *bontata rōna ka baporofeta*,

Joale mehleng ena ea qetello o buile le rōna ka
Mora, ...

O entse'ng? “O buile le rōna matsatsing ana a qetello ka Mora oa Hae.”

⁸⁷ Joale, ebe le ka e nahana joang, hoo, na ebe moporofeta ke'ng? Na ebe letsatsing lena re tla fuoa moporofeta? Ehlide bo. Na ebe O tla bua ka hoo? Ruri. Empa eo ea... Baporofeta ba litšiu tse fetileng e ne e le Moea oa Jesu Kreste.

⁸⁸ Joale, tloong re e batalatse, hoba ha ke kholoe e thophothela ka tsoanelo. Joale, hona eka Sekolo sa Sontaha, ka baka leo re batla ho e hlakisa. Ua bona?

⁸⁹ Lemohang. Ha re nkananeng le Moea oa Molimo o neng o ahile ka ho Moshe, ka phethahalo e...ke seriti sa Jesu Kreste. Limelo tsohle tsa Testamente ea Khale e ne e le liriti tsa sefapano. Moshe, o tsoetsoe e le ngoana e motle, a patoa lihlahleng, a tlosoa ho batsoali ba hae, le joalo, 'me a...E ne e le morena, kapa e-e moetapele, moabi-molao, 'muelli, moprista. Sohle seo a neng a le sona e le seriti sa Kreste.

⁹⁰ Shebang Josefa, ea ratoang ke ntatae, a hloiloe ke banababo, a batla a rekisoa ka likotoana tse mashome a mararo tsa silifeta. A liheloa lemeneng, a lekangoa a shoele; a ntšuoa. Hlorisong ea hae, moqhatsetsi o ne a pholosoe, athe moapehi eèna a timela; lisenyi tse peli sefapanong. Eitseha a etsoa, o tsoile lemeneng, a emisoa letsohong le letona la Faro, moruo o fetisang ka boholo... e-e-e sechaba se neng se fekitse lefatše lohle. 'Me ho se mang ea ka tlang ho Faro haese ea tlang ka Josefa; Jesu ea lutseng letsohong le letona la Molimo, 'me ha ho ea ka tlang ho Molimo haese ka Kreste. 'Me enereha Josefa a tloha teroneng eo a etsoa, a etelloe pele ke banna, ba hlabang litlatse 'me ba butšoela literompeta, ho letsang terompeta, ho thoe, "Hlabang ka lengole! Josefa o a tla."

⁹¹ 'Me Jesu mohla a tlang, terompeta e tla lla, 'me lengole ka leng le tla khumama, le leleme le leng le le leng le tla bolela. E, monghali. E ne e le Eo.

⁹² 'Me Josefa mohla a ne a eshoa, o sietse bao ba neng ba emetse tokoloho sehopotso.

⁹³ Nkile ka bea letsoho la ka holima lekese, nakoana e fetileng, le ne le betliloe ka loto. 'Me eka setopo sa hae se behiloe...masapo a hae...Ha thoe, "Le se ke la mpata mona, hoba ka tsatsi le leng, Molimo o tla le etela." E ne e le moporofeta. "Molimo o tla le etela." Ha thoe, "Mohla le fallang le ea lefatšeng la pallo, le jare masapo a ka."

⁹⁴ Teng, Moheberu oa khale, ea tetekiloeng mokokotlo 'me o fopha mali, a ka nyarela kahara lekese leo a be a re, "Ka tsatsi le leng, re tlil'o falla."

⁹⁵ Jesu o siile sehopotso, lebitla le lephaka. Ka tsatsi le leng ha re ea lebitleng, la baratua ba rôna, re utloa makote a khale a manyenyane, mohla ba reng, "Molora moloreng, le lerôle lerôle, le mobu mobung." Empa, moena, re ka betsetsa mahlo mose ho leoatle, lebitleng le feela. Tsatsi le leng, re tlil'o falla mona. Re ea Hae. O a tla. Ntho eohle e ne e bapisitsoe.

⁹⁶ Shebang Davida, ea lahluoeng ke batho ba habo, a theoloa teroneng ke batho ba habo. Eèna morena oa Jerusalema, a lelekua Jerusalema ke batho ba habo. 'Me eitseha a nyoloha Thaba ea Mohlooare, a hetla eaba o a lla. O ne a khesitsoe.

⁹⁷ Lilemo tse makholo a robeli ho tloha mohlang oo, Mora oa Davida, Morena oa Jerusalema, keha a lutse leralleng a lla, hoba A ne a khesitsoe.

⁹⁸ E ne e le Moea oa Kreste oo kahara Davida. Hohle ke seriti sa sefapano. Baporofeta ba morao mono ba buile ka Lebitso la Hae. Ba phetse ka Lebitso la Hae. Ba nkile khato ka Lebitso la Hae. Ruri bo. "Molimo o buile hangata mehleng ea khale le ka mekhoa e mengata le bontata rōna ka baporofeta, empa mehleng ena ea qetello o buile ka Mora oa Hae."

⁹⁹ Ka hona baporofeta le banna ba moea, letsatsing lena, ke khalimiso ea Kreste feela. Mono, ba ne ba eme ka molao, shebang. Ka koano mona ba ema, ba shebile nqa e 'ngoe, ka mohau.

¹⁰⁰ Ho Baheberu 11, khaolo ea ho qetela, esale ke ipotsa taba eo. Khaolong ea ho qetela, karolo ea ho qetela ea khaolo ea 11 ea Baheberu, ha a bua ka Abrahama. Khaolo e kholo ea tumelo, qetellong, e itse, "Ba phaitse hohle ba ntse ba apere matlalo a linku le matlalo a lipōli, ba lahleheloa ke tsohle, ba sehliloe ka lisaga. Ba phaitse hohle, ba se na bolulo, ba hloiloe, 'me ba nyatsuoa, 'me ba hlorisoa. Kanthebo, lefatše le ne le sa tšoaneloe ho ba le batho ba joalo."

¹⁰¹ Ebe moo Pauluse a emang a re, "Ba tle ba se ke ba phetheha rōna re le sieo." Hobane ba bonetse sefapano *pele*, rōna re sheba *ka* sefapano. Re filoe Moea oa Kreste hoba O fetoloe nama ea motho le ho aha hara rōna. Re tlide mona ka Moea o Halalelang, e leng leano le fetisang hole ka molemo.

¹⁰² Hape ka linako tse ling ke ipotsa seo Bakreste ba se lebeletseng kajeno. Moreri ea likolohang ka tente o tla tšoanelia ho ba...kapa kereke e itseng e ncha kapa khato e itseng e ncha, e ipitsang moporofeta, e nyolohela mono, ho thoe, "Be, haeba ba ka mphā chelete e kana. Ha nka fuoa koloi e fetisisang ka bokhabane. Haeba ba ka...Haeba moputso oa ka o ka nyolloa khoeli-tšeleta ka 'ngoe."

¹⁰³ Re tlameha ho fumana tse fetisisang ka botle. Re tlameha ho fumana matlo a fetisisang ka botle. Re tlameha ho fumana liaparo tse fetisisang ka botle. Re tla etsang mohla re emang ka pela banna bao ba phaitseng, ka matlalo a lipōli le ka matlalo a linku, lihloho tsa bona li se na moo li samelang teng, ba phaitseng mahoatateng? 'Me ha motho a re soma re se re itokisetsa ho itokolla kerekeng re sa batle ho khutla. Seo Bokreste bo se hlokang kajeno. Re tlameha ho itšoabelia.

Oho Molimo, re hauhele.

¹⁰⁴ Ka letsatsi leo, O buile ka baporofeta, empa letsatsing lena ka Mora oa Hae. Leo e ne e le lentsoe la moporofeta, mono. Lena ke Lentsoe la Mora, kajeno. Oh, ho bokoe Lebitso la Morena!

¹⁰⁵ Ka mantsoe a mang, haeba u shebile seriti, neketifi, u ka etsa phoso. Empa Sena se hlatsoitsoe, senepe se hlakile. Seno se tlie ka moporofeta; sena se tla ka Mora oa Hae. Seno se tlie ka neketifi; sena se tla ka posetifi. Amen. Lea e bona? Monyetla oa ho lahleheloa ha o fumanoe. Ke ntho e tiileng, letsatsing lena se tlie ka Mora oa Hae. Oh, ho babatseha hakakang!

...o 'meileng mojalefa... (oh, khili)...oa ntho tsohle,...

¹⁰⁶ E ne e le eng? E ne e le khethelo. Oh, mamelang. Kreste, o ne a beoe, mojalefa oa ntho tsohle. Oh, liabolosi o e tsebile, ho tloha tšimong ea Edene, u a bona, mohla liabolosi a ne a utloa Lentsoe leo mono tsatsing leo, kahlolong ea batho bao. Ha thoe, "Erekaha u tsoile leröleng; u tla khutlela leröleng; athe Peō ea mosali eona e tla khoba hlooho ea noha." Peō ea tšepiso.

¹⁰⁷ E sa le Satane a beile Peō eo leihlo. Mohla Abele a ne a hлаha, o itse, "Ke moo he, ke eona peō eo." Eaba o bolaea Abele. Mora oa hae, Kaine, a bolaea Abele. Hang hoba Abele a shoe, o itse, "Ke fumane peō." O ile a e fenetha. A re, "Ke e fumane." Empa, lefu la Abele, tsoalo ea Setha e ne e le tsoho bocha. Shebang kamoo ba theohang kateng.

¹⁰⁸ Lesika leo la Setha, le theoha, e le monna ea ikokobelitseng, ea lokileng; ho theohela ho Henoke; ho theohela koana ho Nohe, ho fihla qetellong ea tšenyeho ea lefatše le tlileng pele ho moroallo.

¹⁰⁹ Shebang lesika la Kaine, la batho ba masene, ba rutehileng, mahlale. Ana Bibele ha e bolele... Ana Jesu ha bolela, ha thoe, "Bana ba lefatše lena ba fetisa Bana ba 'Muso ka bohlale'? Shebang nqa lesika la Kaine le kajeno: masene, barutehi, babelaeli, ba tletseng borapeli; ua bona, ba tletse borapeli, empa ke boramahlale, lihahi, banna ba baholo.

¹¹⁰ Nkang banna ba baholo. Shebang Thomas Edison, banna ba bangata ba baholo. Shebang Einstein, maboko a lefatše, ao ho thoeng ke oona, kajeno, maboko a lefatše. Empa ha re leke ho sebelisa maboko. Re lumella Mohopolo o neng o ahile ka ho Kreste ho kena ka ho rōna, le ho sheba Lentsoe lena, ebe re le bitsa joalo.

¹¹¹ Lingaka tsa meriana, leha koana re ba rolela khaebana ka bohohle ba rōna, empa boholo ba bona ke babelaeli, mohetene. Shebang batho ba bohlale, ba hlalefileng kajeno. Ba oela nqa eane, ka lehlakoreng la Kaine.

¹¹² Empa le shebe ba ikokobelitseng ba mosa. Tsoho ea lona ke eo e boela e fihla. Oh, ho bokoe Lebitso la Morena. Ke lona bao. Lemohang.

...o mo khethetse mojalefa oa ntho tsohle, eo hape o entseng ka eèna tse bopiloeng kaofela;

Ke mang ea entseng mafatše? Kreste. “Kreste o entse mafatše?” E, monghali. Ha re tsoeng tema nakoana.

Eèna eo e leng lehlaseli la khanya ea oona, le setšoantšo sa boteng ba oona, . . .

Lehlaseli la khanya ea Mang? Khanya ea Molimo. Setšoantšo sa Boteng ba Mang? Ba Molimo. Oh, ke rata sena!

. . . kapa setšoantšo sa boleng ba oona, ea kakatlelang lintho tsohle ka lentsoe la matla . . .

Ke lona bao. Lentsoe, le kakatlelang lintho tsohle. Jesu o boletse, ho Mattheu 24, “Maholimo le lefatše li tla feta, haele Mantsoe a Ka oona a ke ke a feta le ka mohla.” O kakatletse ntho tsohle.

¹¹³ Mahlale a leka ho Le nyenyefatsa, le ho re, “Ke Buka ea khale. E fetoletsoe.”

¹¹⁴ Esita le kereke ea Roma e Katolike, Bishopo Sheen o itse, “E se e fetoletsoe hane kapa hahlano, ehlide ha E kaalo. U ke ke ua phela ka Eona leha u ka rata.” Empa O kakatletse ntho tsohle ka Lentsoe la Hae. Amen. Ke seo ke se nahangang ka Eona. Ke lumela Bibele.

. . . lentsoe la matla a hae, (matla a teng Lentsoeng), eitse hobane a etse hlatsuo ea libe tsa rōna, . . . (shebang mona) . . . o ile a lule fatše letsohong le letona la Boholo bo holimo;

¹¹⁵ Pauluse o leka ho etsang? O leka ho bontša hobane Molimo o rerile lintho tsohle ka ho Kreste, ’me Kreste e ne e le setšoantšo sa boleng ba Molimo. Khaolo eohle e sebetsana le kamoo boholo ba Hae bo fetisang ba Mangeloi, matla a fetang oohle ka boholo. Mangeloi a ne a Mo khumamela. Pauluse o ne a leka ho Mo holisa.

¹¹⁶ Joale, ke batla ho leka . . . Haeba ke sa khathe tema ho feta mona, taba e setseng e mpa e le ho holisa Kreste. Seo Pauluse a se buang mona, joaloka khaolong ea 11, le ntho eohle e buang ka lefatše. O itse, “Ke ho lefe—lefe Lengeloi A itseng, ‘U Mora oa Ka, Ke U tsoetse kajeno?’” Ua bona?

¹¹⁷ “Bofelo ba lefatše, a tla limela. Lefatše le tla timela. Empa eona . . . Le lintho tsohle tsa lefatše li tla timela. O tla li mena joaloka kobo. Li tla tsofala, li fetohe, li fele. ‘Haele Uena u ea sala u le teng. E ea be sa e le Uena. U Mora oa Ka. Ke U tsoetse kajeno, ’me u ke ke ua timela, ea lutseng letsohong le letona la Boholo.’”

Letsoho le letona le bolelang? Ha e ke, Molimo o na le letona le letona leo motho a lutseng ho lona. Letsoho le letona le le bolela “matla le boholo,” o ruile boholo ba tsohle tse Leholidong le lefatšeng. ’Me Maholimo oohle le lefatše li entsoe ke Eèna.

¹¹⁸ Joale, Mothaka e moholo enoa ke Mang, Thaka le leholo lena? Kreste. Mona, Molimo ka ho Ntate, Mora, le Moea o Halalelang, ha se . . . Ke bontrintase, empa Boo ha se bontrintase ba batho. Ke botrintase ba phaposi, ea Molimo o le mong.

¹¹⁹ E ne e le Ntate ea tsamaisang bana ba Iseraele. E ne e le phaposi ea Hae eo, Ntate Jehova e moholo. 'Me O ne a ahile lefatšeng, ea bitsoa Mora. 'Me joale O ahile kahara Kereke ea Hae, e bitsoa Moea o Halalelang. Ha se Melimo e meraro; Molimo o le mong ka liphaposi tse tharo: Ntate, Mora, le Moea o Halalelang.

Batho ba leka ho Mo fetola Melimo e meraro e fapaneng, Molimo Ntate. Ke ka baka leo, Bajuda, u ke ke ua khona.... U ke ua tlisetsa Mojuda taba ena, che, ntho eo mono. A ke ke a khona. O filoe molao, ho itsoe, "Ke Molimo o le Mong." Ho na le Molimo o le mong feela.

¹²⁰ Afrika ba kolobetsa ka mekhua e meraro e fapaneng: ba kolobetsa ho Ntate hang, le ho Mora hang, le hang ho Moea o Halalelang. Eona Apostolic Faith mission, ba kolobetsa hararo, sefahleho se thulametse pele, lefung la Hae. Seo ba se bitsang Full Gospel Lebopong la Bophirima, kapa Lebopong la Bochabela, ba kolobetsa hararo ka seètse, ho itsoe O... kepèlong ea Hae.

'Me o itse, "Mohla A ne a eshoa, O kolumetse pele."

¹²¹ E mong o itse, "Beang butle. U pata motho ka mokokotlo oa hae." Litsamaiso tsa khale tsa lintho, athe, bobeli li fositse; bobeli li phoso, ho latela Lengolo.

Ena ke Urime Thummime. E qeta sohle.

¹²² Joale, mona, ha re nahaneng hoo re bone kamoo—kamoo e shebehang, bosiung bona. Ke ena, haeba u batla ho e bona. Lilemong tse mashome a mabeli a metso e mehlano ke le moreri, ke batlisitsitse ntho eo. 'Me esale ke ipotsa ka lineo tse kahara kereke. Lineo tseo ke eng? Boporofeta, ho bua ka lipuo, koahollo ea lipuo, tšenolo e Mokhethoa, le joalo, tsohle li tsoa ho Kreste.

¹²³ Joale shebang. Kreste ke Hlooho ea lintho tsohle. 'Me Ke Hlooho ea Kereke. 'Me na le kile la bona taemane e kholo? Taemane e kholo e sehiloeneng ka tšoanelo, e na le liphatsa tse oeleng ho eona, li khephotsoe ho eona. Hoo ho bopa taemane e ntle. Liphatsa li etselitsoeng? Taemane ea makoma, kamoo e tsoang kateng, e tetekiloe; taemane ea makoma, mohla e fumanoang.

Ke ne ke fihle Kimberly. Lona, bongata ba lona, le utloile ho thoe le ka thola litaemane seterateng, hoo ke 'nete. 'Na le Billy, le Mongh. Bosworth. Mopresidente oa merafo ea taemane ea Kimberly, o nka....E ne e le ashara ea ka kopanong ea ka mono. Eaba ba re isa mono. 'Me feela ho tsoa....Ba li rafa nka re, oh, maoto a ka bang sekete le makholo a supileng tlasa lefatše. Li tsoa teng, e le lejoe le boputsoa ba leholimo, le leholo le boputsoa ba leholimo, ekare lejoe le bolou lena le fumanang mona. 'Me batala

bao, ba ba theolela maotong a sekete le makholo a supileng mobung, ho li rafa, e le ho nyolla theko. U ka theohela nokeng mono, li lebetsoe makholo a limaele. Ho nka linkho tse peli tsa leshome-galone, o itse, ua e thonaka, li tletse e—e lehlabathe, 'me ha u fihla hae ka tsona, u ka fetoha ralimilione, litaemane li tla be li le ngata hakana ka hare. Empa ba tlameha ho sebetsa le ho li rafa, ho nyolla theko ea tsona.

¹²⁴ Joale, taemane, ha e bitoha, ke kitifahali, e pholatsi, e khilikoe, e kang, sekotoana sa galase. Ho fumanoa taemane e bolou, taemane e ntšo, emerauda, le taemane e hlakileng, taemane e tšoeu. Empa ha e bitoha... Ka nako ha e fetoloa 'me e sebelisoa, taemane e tlameha ho lahleheloa ke karolo ea eona. 'Me e tlameha ho lahleheloa ke e—e liphatsa tsa eona. Ho sehoa liphatsana, hobane, ha e beoa leseling le hlamaletseng, ka mokhoa oo, e a tšoelima. Phatsa, e tšoelimisoa ke phatsa, ho latela moseho oa eona. E sehiloe, e khephotsoe, e ntano re, ha e etsa joalo, e a tšoelima. Lesekli leng le fetoha botala, leseli le leng le bolou, le leng e ka ba, leseli le emerauda, le leseli le lefubelu. 'Me ho eona ho betseha maseli a fapaneng, a kang 'mala oa mookoli. Ba e bitsa, "mollo o kahara taemane."

¹²⁵ Joale, leseli ka leng la ao le emetse lineo. Empa eona, feela, Kreste ke Taemane. 'Me Ke Eèna Ea tlileng, a khojoa, a sehoa, a khepholoa, hore A tle a boele A ikhalimisetse lefatše e le Leseli. Ke Taemane eo ea Sehlooho.

¹²⁶ Na le ka nahana, le pele lefatše le boptjoa, le pele leseli le hlaha, le pele naleli e hlaha, le pele ho hlaha letho? Mono ho kopotsa Mohloli o Moholo, oa Moea, 'me Mohloling oona ho tsoile lerato le hloeko le se nang sekoli, etsoe ho se letho le beng le ka tsoa teng ntile le lerato. Joale, rôna, hoo re ho bitsang lerato, kajeno, ke lerato le khopameng. Empa re ee re fumane kholiso ka ho rôna, kapa lerato le seng le kae ka ho rôna, le fetola mohopolo oa rôna oohle.

¹²⁷ Eaba mono ho tsoa molapo o mong, o kopotsang Mohloling o moholo oona, Taemane, oona oa bitsoa ho loka, ho loka hoa makhonthe. Joale, eaba re tlameha ho fuoa molao ke hona. Lebaka leo kahlolo e loheletsoeng molaong. Holane kahlolo e sa latele molao, molao ha o thusé letho. 'Me mohla kahlolo e ne e lihuoa ke molao, oona o hlahisang lefu, keha ho se mang ho lefella kotlo haese Molimo ka Sebele. 'Me O lefile moputso oa lefu la rôna, a Ipelesa libe tsa rôna, re tle re fetoloe ho loka ha Molimo ka Eèna.

¹²⁸ Joale, mohla Maseli a maholo ana a ne a betseha, kapa mechaeli e meholo ea Moea: lerato, khotso, e le phetho se leng teng, Hoo. Hlomoho e le sieo. Ho se lehloeo la letho—letho, ho se lonya; le ke ke la tsoa Mohloling oona. E ne e le Jehova. E ne e le Jehova Molimo. 'Me joale, baithuti ba thutabomolimo

ba o bitsa, theophany e tsoileng Mono, eona ea reoa, ho latela Lengolo, ke “Logos,” Logos e tsoileng ho Molimo. E thata ho hhalosoa, empa E ne e le karolo ea Molimo.

¹²⁹ Joale, se etsahetseng ke sena. Oh, le ntšoarele. Ha ke—ke—ke kena tabeng ena, e fihla moo ke e ratang. Ua bona? Logos, le Mohloli o moholo oona, Mohloli o moholo oona oa Moea o sa kang oa ba le qaleho kapa o se nang qetello; Moea o moholo oona oa na oa qala oa bopeha, popong, 'me Logos e tsoileng ho Oona e ne e le Mora oa Molimo. E le sona feela sebopeho se bonoang seo Moea o ka iphang sona. 'Me E ne e le theophany, e bolelang 'mele, 'me mele e ka monna.

¹³⁰ Moshe o na O bone O feta e . . . pela—pela lefika. Eaba o a O talima, a re, “E ne eka mokokotlo oa monna.”

Ke mofuta oa 'mele oo re o fuoang mohla re shoang mona. “Efela mohla leaho lena la lefatše le kang motlotloana le senyehang, re na le o re emetseng.” E ne e le Oona. 'Me e ne e le theophany e neng e le Mora oa Molimo. Mora eo, Logos eo, ea fetoha nama, kaha re ne re beiloe nameng. 'Me theophany eo, Logos, ea fetoha nama, mona hara rōna, 'me Eona e ne e se letho empa nqalo ea bolulo, ea Mohloli oo oohle o moholo o nong o ahile ka ho Eèna. Oh, le a e bona? Ke Eona eo. E ne e le eèna Eo, ea, kahara . . .

¹³¹ Shebang mona. Ha re phetleng koana ho Baheberu ka potlako, khaolo ea 7, ka motsotsaana oa—oa mohau feela, Molimo ha o ratile. Ha re boneng na o shebeha joang mona. Abrahama!

Re na le nako e kae? Re na le metsotsotso e leshome. Ho lokile. Re ka tšoarana le taba ena, re ntano e phethela khetlo le latelang, kapa Sontaha, se latelang, ha Morena a ratile.

¹³² Abrahama o ne a khutla a tsoa qhala morena.

Ke Melkisedeke eo, morena oa Saleme, . . .

Ba bakae ba tsebang sebaka, mang, hore Saleme e ne e le eng? Jerusalema.

. . . morena oa Saleme, khosana oa Molimo o moholoholo, ea neng a ee ho khahlanyetsa Abrahama mohla neng a sa tsoa qhala marena, a ba a mo hlohonolofatsa;

Mamelang.

Ke eèna eo Abrahama a bileng a mo abang karolo ea leshome ea tsohle; eo mabitso a hae ha a fetoloa la pele le reng eèna Morena oa ho loka, . . . bobeli le re eèna Morena oa Saleme, e leng ho re, eèna Morena oa khotso;

Ea se nang ntatae, le 'maè, ea se nang leloko, leha e le qaleho ea litšiu, le qetelo ea bophelo; . . .

¹³³ Morena o kile a theoha a tsoa Saleme, a kopana le Abrahama a tsoa qhalanya marena. 'Me Morena enoa keha a se na ntatae,

a se na 'mè, a se na qaleho ea litšiu kapa qetello ea Bophelo. Ebe Abrahama o kopane le mang? Joale nahangan. A se na ntate; A se na 'mè. A se na mohla A qalileng, 'me ha A na mohla A tla qetella, ka hona Morena eo oa Saleme o tlameha a be a sa phela le kajèno. Amen. Lea e bona? E ne e le theophany eo e beng e le Mora oa Molimo. Saleme efe? Jerusalema eo oa Holimo, eo Abrahama, hoba a hlohonolofatsoe, a ileng a o batla, ho fumana, a leka ho fumana Motse oo Moahi le Mothei oa oona e neng e le Molimo. O phaitse hohle ka matlalo a linku le ka matlalo a lipōli, hohle, a hloka, a phaila, 'me a batla Motse oo Moahi le Mothei e neng e le Molimo. Eaba o kopana le Morena oa Saleme eo, a theoha, eaba o Mo abela karolo ea leshome ea likhapo tsohle. Amen. Ke Eèna. Oh, Moena Graham, e ne e le Eèna. E ne e le Eèna.

Abrahama o ne a Mo bone hape. Tsatsi le leng mohla a lutseng kahara tente. A talima, ho hloa mono, eaba o bona ho nyoloha banna ba bararo.

¹³⁴ U a tseba, ntho e teng ka Mokreste, o tseba Moea mohla a O bonang. Mohla a . . . O mpa feela a e tseba. E loheletsoe ntho ea Moea ho eona. Lintho tsa Moea li lemohuo ka Moea. U a tseba. Yaa, a ka e bolela feela, haeba a hlile a tsoetsoe. "Linku tsa Ka li tseba Puo ea Ka."

¹³⁵ 'Me o tsebile taba e 'ngoe mono. O mathela kantle o re, "Kena kahare, Morena oa ka. Lula fatše. Ako phomole nakoana. Ke tla lokisa senkhoa sa bohobe ke se bee letsohong la Hao. Ke tla hlatsoa maoto a Hao. Ako Iphomolele nakoana, u ntano tsoelapele leetong la Hao, hoba U—U tlide ho nketela." Holimo naheng e nyopileng, a ikhethetse tsela e thata, tsela ea bakhesoa ba 'maloa ba Morena.

Athe, Lota eèna a iphelela boruing, motsoala tlase mane, empa o ne a phela sebeng. Borui boholo bo hlahisa sebe.

¹³⁶ Eaba Abrahama o nyoloha le bona, a tsoa a tlisa metsi a Ba hlatsoa maoto. A titimela kantle a tšoara namane, e le namane e nonneng ea mohlape, a e hlaba; a e tlohella mosebeletsi, ho e lokisa. A re, "Sara, ako lube phoofo ea hao."

Lea tseba ho luba, keng, ho bolelang. Lea tseba, 'mè o ne a tloaetse ho tšoara ntho ea khale, e kang weje, a e behile kahara e—e faki ea phoofo. Le kile la bona eo e nang le sefe? Ebe o kenya weje ka mono, e fehlang phoofo, u a tseba; phoofo e tiea e hoama ka tsela *eo*, e ntano fuluhoa, joalo. Ke bone mama a e etsa, khafetsa, ka weje eo, e hoketsoeng terata e khilikoe e fehlang. A ntano nka phoofo a e sefe ka tsela *eo*, u a tseba, a pikitle a e thethela morao le pele, ka tsela *eo*. Ebe o tšoara weje o e fuluha, ka tsela *eo*, ho e lepeletsa eohle. Ke hona mohla re ne re lokela ho theoha ho ea sila phoofo ea röna lelaleng la khale; ka litšilo tse kholo tseo tsa sekhaleng, u a tseba, tse boima, li haila bohobe ba makhonthe ba koro. U ne u ka sehla likoqo letšeare lohle, holima eona.

¹³⁷ Ka hona, a re, “Luba phoshoana, ka potlako. O phehe linkhoa mona leifong, ka potlako.” Eaba ba hama khomo ba ntša lebese. Ba le nka, ba le fehla, ba ntša sereleli. Eaba ba tloha ho ea hlaba namane ba khabela nama, ba besa nama. Ba nka sereleli sa lebese, bohobe ba koro, ba tšasa sereleli holima linkhoa tseo tse futhumetseng. Oh, li hlile lia hlabosa. Ba se tlotsa holima tsona. A ntano tsoa a li nkile, a li phomosetsa Banna ba bararo bana.

¹³⁸ Ha Ba ntse ba eja, Ba sa phetse ho ’na ba sheba nqa Sodoma. Ka mora nakoana, Ba ema ba qala ba tloha ba ikela. Eaba o re, Abrahama, a re, “Le ke ke la mpatela eona.”

¹³⁹ “Nke ke ka u patela seo Ke eang ho se etsa. Ke theohela tlase mane. Libe tsa Sodoma li fihlile tsebeng ea Ka.”

Ebe Monna e ne e le mang? Liaparo tsa Hae li tletse lithole hohle, a lutse mono a eja nama ea namane, a enoa lebese la khomo, a eja linkhoa tsa bohobe ba koro, tse tšasitsoeng sereleli. Ebe Thaka le mohlolo lee ke mang? Ba le babeli, kapa Ba le bararo, ba lutse mono. Liaparo tsa Hae li tletse lerôle hohle. Oh, yaa, “Re tsoa Naheng e hole.” Yaa, hole haholo. Eaba O re...Be, E ne e le Bo mang?

¹⁴⁰ A re, “Nke ke ka e patela Abrahama, kaha e le mojalefa oa lefatše.” Amen. “Na Ke senola liphiri tsa Ka,” ka mantsoe a mang, “ho majalefa a lefatše.” Kajeno Kereke e tlameha e be e eme mono. Ke hantle. Ho fuoa Liphiri tsa Molimo, ho tseba boitšoaro, le motsamao, le se tlamehang ho etsoa, le mokhoa oa khato, le mokhoa oa ho phela. Re majalefa a lefatše. Hantle. O le senolela Sona, kaha A ke ke a pata letho. Ke ka lebaka leo re beileng lintho tse hlhang leihlo.

Lefatše le re, “Ah, ke khahlakhahla ea bohlanya.” Ba tloheleng ba rialo. Mojalefa oa lefatše eëna o tseba lintho tsena. [Sekheo lebanteng—Mong.]

...hobane ba tla reoa bana ba Molimo.

Ho lehlohonolo bao e leng ba bonolo: hobane ba tla ja lefa la lefatše.

Bao O ba tsebisa liphiri tsa Hae, o ba senolela tsona, ho ba bontša seo ba lokelang ho se etsa le mokhoa oa ho phela, ho tèla lintho tsa lefatše; ho tsamaea khalalelo le ho phela khalalelo, lefatšeng lena la joale, ho tsamaea le Eena 'moho. Tlohelang lefatše le bue seo le se batlang.

¹⁴¹ Eaba O re, “Nke ke ka patela Abrahama sephiri sena, hobane, kaha e le mojalefa oa lefatše. Empa,” A re, “Ke tla theoha ho timetsa Sodoma. Ke ea theoha.”

¹⁴² “Ebe U tlil’o etsang, Mohlomphehi? Ebe U tsoa kae? Hona hohle ho bolelang?”

¹⁴³ Re fumana, A itse, “Ntho e ’ngoe, Abrahama, esale u emela pallo ena eo Ke u neileng eona lilemo tse mashome a mabeli a metso e mehlano. U se u bolokile maleiri oohle, e—e mamao le ntho tsohle, tsa lesea lena, lilemo tse mashome a mabeli a metso e mehlano tse fetileng. Esale u Nkemetse. Joale Ke tla u etela, ha e se e tla ba nako ea bophelo, ho latela, nako ea bophelo, Ke tla u etela khoeli e tlang.”

¹⁴⁴ Ebile Sara, motšeо ka hara tente. ’Me Monna enoa ea neileng tente sekotlo sa Hae, a ntse a buisana le Abrahama, ka tsela *ena*. ’Me Sara a re, “Huh!”

¹⁴⁵ A re, “Sara o tše hile keng?” Ho-ho-ho! Le reng ka taba eo? E ne e ehlide e le ho bala mohopolo, na ebe? “Ebe Sara o tše hile keng?”

Sara a re, “Che. Ha kea tše ha.”

¹⁴⁶ Ho re, “Oh, e, u tše hile.” Keha a tše hile. A ntse a tlakasela. E ne e le Mang, ea tsebileng boitšoaro ba hae motšeо ka hara tente? Ke oona Molimo Oo o nang le rōna kajeno. Oona Oo. O tseba sohle se amanang le eona. Ua bona? O mpa a e senola ho latela tlhoko ea hao. Ua bona?

¹⁴⁷ “U tše hisoa keng?” Ua bona, ka sekotlo sa Hae se furaletseng. Bibele e hlalositse, ea re, “Tente e ne e le ka sekotlong sa Hae.” Empa, O e tsebile. “Ke’ng seo eèna, motšeо koana, hore’ng a etsa *see*, u a bona?”

Ka hona, A re, “Ke tla u etela.”

¹⁴⁸ Ebe Thaka le mohlolo lee ke mang? Ana le tseba se hlahileng? Eaba O tloha mono a nyamela. ’Me Bibele e Mo tlalehile e ne e le Molimo o Matlaohle, Jehova, Mohloli o moholo oo, Theophany eo, Logos eo.

¹⁴⁹ Moreri o kile a mpolella, nakoana e fetileng, ho re, “Moena Branham, ha u hopole e ne e hlile e le Molimo, ha ke re?”

¹⁵⁰ Ka re, “Bibele e Mo tlalehile e ne e le Molimo, Elohim.” Etsoe, E ne e le Molimo o Matlaohle, e leng El Shaddai, ke hantle, Moabi-Matla, Mokholisi. Amen.

¹⁵¹ Oh, ke ikutloa ke halalela! E nahaneng, mona, mokana E le eèna joale. Mona ke tlil’o le bontša hore eo Ke Mang, ke hona u tla bona seo Mora a leng Sona. E ne e le Jesu, pele A nka Lebitso la motho, “Jesu.”

¹⁵² Ho ema selibeng mono tsatsing leo. ’Me bohle keha ba enoa, u a tseba, ’me, “Ba filoe metsi a tsoang lehoatateng,” le lintho tse kang tseo. O itse, “Ba ne ba ejia manna.” Ho re, o itse, “Bontata rōna ba jele manna lefeelleng, ka lilemo tse mashome a mane.”

¹⁵³ O itse, “Athe bao, e mong le e mong, o shoele.” Ho re, “Ke ’Na Bohobe ba Bophelo bo tsoang ho Molimo, Lehelimong. Ea jang Bohobe bona a ke ke a shoa le ka mohla.”

¹⁵⁴ Ho re, “Be, bontata rōna ba nositsoe Moeeng, ba noele Lefikeng la moea lefeelleng, le kileng la ba sala morao.”

¹⁵⁵ A re, “Ke ’Na Lefika leo.” Thoriso! Mohalaleli Johanne, khaolo ea 6.

“Khele,” ba re, “eng?”

“E. Ke hantle.”

¹⁵⁶ “Khele,” a rialo, “Uena u... Ha U eso fihlele le lilemo tse mashome a mahlano.” Hobane, mosebetsi oa Hae o ne o Mo tsofalitse ho feta, empa O ne a le mashome a mararo feela. Ho re, “Ha U monna ea tlotseng lilemo tse mashome a mahlano, athe U re U bone Abraham, ea seng a ne a shoe joale lilemo tse makholo a robeli kapa tse makholo a robong? Rea U tseba u liabolosi.”

¹⁵⁷ A re, “Le pele ho Abraham, KE TENG.” Ke Eo. KE TENG e ne e le Mang? Lebitso le sa timeng la mengoaha eohle. Leo e ne le... Topallo eo ea Mollo sehlahleng se tukang, “NA EA LENG TENG.” E ne e le Eo, eona Theophany eo A e bopileng mona, e bitsoang Mora Molimo, KE TENG, Jehova.

¹⁵⁸ Thomase o itse, “Morena, re bontše Ntate e tla ba ho re lekane.”

¹⁵⁹ Ha thoe, “Ke lutse le uena nako e kalo, le joale ha u Ntsebe?” Ho re, “Ha u bona ’Na, u bona Ntate. Hore’ng u re, ‘Re bontše, Uena, Ntate?’ ’Na le Ntate re Bang. Ntate o ahile ka ho ’Na. Ke mpa ke le tabernakele e bitsoang Mora. Ntate o ahile ka ho ’Na. Ha se ’Na ea etsang mesebetsi, ke Ntate oa Ka ea ahileng ka ho ’Na. Ke Eèna ea etsang mesebetsi, e seng ’Na.”

¹⁶⁰ Joale, ho ema morao mono, hape, Moshe o ne a Mo bone, sekotlo sa Hae, a re, “Ekare mokokotlo oa monna,” Logos e tsoileng ho Molimo.

¹⁶¹ Eaba ho etsahalang? Enoa e ne e le Molimo. ’Me lebakala Hae ho falla ho tsoa ho Logos ho ea nameng... Eng? Ebe uena u... Ho etsahetseng ka hoo? Metsotso e mehlano pele ho moo, keha A ne a... E ne e le Logos. Empa eaba O etsa’ng? Eaba O nanabela koana feela...

¹⁶² Joale, mebele ea rōna e bopiloe ka lielemente tsa lefatše tse fapaneng tse leshome le metso e tšeletseng. Re tseba hoo. O bopiloe ka potashe, le—le e—le bohashana ba khalsiamo, le—le petroliamo, le leseli la khosmiki, le liatomo, le lilō tseo. Tsohle li shobiloe ’moho, ’me li bopa ’mele oona, li tsoa leröleng la lefatše. U ja lijo. Ha u eja lijo, tseo li fetoha... ho tsoa leröleng, ’me li tsoa leröleng, ’me li tsoelapele feela—feela. Nama ea hao, ho latela nama ea hao, ha e a fapana le ea pere, kapa ea khomo, kapa ea letho le joalo. E sa ntse e le nama.

¹⁶³ ’Me, moshaana, u tlolisa nama; empa moea oo o na le soule kahare ka mono, moena. Ke hantle. Empa nama ea hao ke lerôle la lefatše feela, joaloka phoofolo. Nama ea hao ha e fete ea phoofolo. ’Me ha u lakatsa lintho tsa nama le ntho eo u e bonang, ho lakatsa basali, ho lakatsa lintho tse fapaneng tsena,

e sa ntse e le phoofolo. Ke hantle. Ke hantle. Ha u a tlameha joalo. Moea oa Molimo o tla u tsamaisa o u phahamisetse nqalong e holingoana ho feta moo. Ke hantle haholo.

¹⁶⁴ Joale, 'me mona, Theophany e kholo ena e eme mono. Eng? Jehova Molimo o moholo oo, le tseba seo A se buileng? O mpile a nanabela a kha liatomo tse tlalang seatla, a okha leseli le seng le kae, a li tšollela ka ho Eèna *tjena*, a tloha, "Whew," 'mele, eaba o hata a kena kahara oona. Ke phetho.

¹⁶⁵ Ho re, "Tloo koano, Gabriele," Arekangeloi e kholo eo. A tloha, "Whew." "Kena kahara oo."

¹⁶⁶ "Tloo koano, Mikaele," Lengeloi le emang letsohong le letona la Hae. "Whew." Hobane e... "Uena kena kahara oo."

¹⁶⁷ Molimo, le Mangeloi a mabeli, a ba itsamaela tlase mona ka nama ea motho, ba enoa lebese la khomo, ba ej a sereleli se tsoang lebeseng, ba ej a linkhoa tse 'maloa tsa koro, le ho ja nama ea namane. Mangeloi a mabeli le Molimo. Bibele e itsalo. Eo ke Melkisedeke, eèna eo Abrahama a teaneng le eèna, a tsoa qhala marena. Eo ke Mora oa Molimo.

¹⁶⁸ Ho tsoela pele, mona ho Baheberu, ea bo 7, ho boletsoe, "Ea entsoeng ea tšoanang le Mora oa Molimo." Ke Eèna eo. O entse lintho tsohle ka Eèna. Eaba O tsoa a tsamaela hantle mono, feels a boela a fetolela lerôle leo lerôleng, 'me a boela a hata a kena Khanyeng hape.

¹⁶⁹ 'Me Mangeloi, hang hoba A lokolle Lota le Mof. Lota, le eèna keha a sa phetse ho hetla morao. A re, a ba bolella ho se hhole ba e etsa hape. 'Me eaba A hata a boela a kena ka-ka hara Sefahleho sa Molimo.

¹⁷⁰ Joale, ke tšepo e kakang eo re e boloketsoeng Tumelong e kholo ena eo re e sebeletsang bosiung bona! Molimo o phelang, Jehova, Topallo ea Mollo, e na re rôna. E Ipontša ka matla, le ka khato, le ka ho ikholisa. Ho ba lumella ho katlatsa Senepe sa Hae, eèna Jehova eo. Mora oa Molimo ea tsoileng ho Molimo, ea khutletseng ho Molimo, 'me o ahile ka hara Kereke ea Hae ka mehla. Ke Eèna eo.

¹⁷¹ O ngotse mabitso a rôna Bukeng ea Hae, ka kano e annoeng ka Eèna ka sebele, kahobane ho se ea Mo fetang ka boholo ho ana ka eèna, hore O tla boela a re tsosa letsatsing la qetelo. "Ea jang Nama ea Ka, 'me a noa Mali a Ka, o na le Bophelo ba ka mehla, 'me 'Na ke tla mo tsosa letsatsing la ho qetela. Ea tlang ho 'Na, ha Nka ke ka mo lahlela ka ntle. Ea utloang Lentsoe la Ka, a bile a lumela ho Ea Nthomileng, o na le Bophelo ba ka mehla, 'me a ke ke a tla tsuong, empa o tlohile lefung ho kena Bophelong."

¹⁷² Eo o khonne ho nanabela 'me a okha bohashana ba khalsiamo e tlalang seatla le potashe, ho ea, "Whew," 'me ke lona bao hape. Athe lebitso la ka le ngoliloe Bukeng ea Hae.

Ho-ho! E tla ba letsatsi le le kakang leo? Ke tsotellang ka mahetla a ka a khutlahanang, ke ntse ke tsofala ha kakang? Ruri lekhale. Le thojana ea pelaelo ha e eo.

¹⁷³ Moena Mike, le leng la matsatsi ana, ho bokoe pelō ea hao, moena, mohla terompeta e kholo eo e fihlang, molumo oo, Josefa eo o tla hata a etsoa. Alleluia! O tla re, "Bana!" "Whew." Ke lona bao le hlaha, le entsoe ka setšoano sa Hae; le le bacha ka mehla, botsofali bo nyametse; maloetse, mathata, mahlomola a felile. Khanya ho Molimo o phelang!

¹⁷⁴ Ke eèna Eo A buang ka eèna, kajeno, Mora oa Hae. "Mehleng ea khale le ka mekhoa e mengata O buile ka moporofeta, empa letsatsing lena la qetelo ka Mora oa Hae, Kreste Jesu." O' bua le pelō ea monna e mong le e mong eo A mo bitsitseng. Haeba u kile ua utloa Kolu ea Hae kapa ua Mo utloa a kokota pelōng ea hao, u se ke ua E qhela hle.

Ha re rapeleng.

¹⁷⁵ Ntate oa Leholimo, bosiung bona, re thabile ho tseba, pulong ea Lengolo lena la Moheberu, kamoo Pauluse a ileng a boela a khutlela liEvangeling. A sa batle ho kakatlela mabarebare kapa boitsebelo. A batlile ho tseba 'Nete. Eaba o khutlela liEvangeling, 'me a... morao Testamenteng ea Khale, Evangelie kileng ea bolelloa bona. 'Me teng o bone, ka Testamente ea Khale mono, liriti tsohle le lipapiso. Lebaka leo re fumanang Buka e kholo ena ea Baheberu bosiung bona. 'Me rea E bona, Morena, 'me rea E rata. 'Me esale le mengoaheng, E chesoa, E hasakangoa, ba leka ho E falatsa, empa E sa ntse e phutla maqhubu ka ho tšoana. Hoba O itse, "Maholimo le lefatše li tla feta, haele Mantsoe a Ka a ke ke."

¹⁷⁶ Ebe mobelaeli o re, "Be, u itse, 'Ke Pauluse ea ngotseng sena.'" Hase Pauluse, empa Molimo o nong o ahile ka ho Pauluse; ke Boleng bo bopang boo bo nong bo ahile ka ho Pauluse.

¹⁷⁷ Mokana ho etsahetse ka ho Davida, mohla a reng, "Nke ke ka lesa Mokhethoa oa Ka ea Halalelang hore a bone ho bola, Nke ke ka lesela moea oa Hae liheleng." Eaba Mora Molimo o nka Mantsoe ao a tsoang ho moporofeta eo, 'me a kena lifubeng tsa lihele hantle. Le ho re, "Qhaqhang tabernakele ena, 'me Ke tla E tsosa ka matsatsi a mararo." 'Me O e entse, hoba Lentsoe la Molimo le ke ke la hlolleha; le jota e le 'ngoe e ke ke ea hlolleha. Re leboha Molimo hakakang ka sena, Uriime Thammime e kholo ena, le ho tseba hore maitsebelo a rōna bosiung bona, Morena, a halima hantle holima Bibele ena mona! Re tsoetsoe labobel, re na le Moea o Halalelang.

¹⁷⁸ Molimo o Ratehang, ha monna kapa mosali a le teng mona bosiung bona, moshanyana kapa ngoanana, ea eso bone sena, ba ka tsoha joang Bophelo bo le sieo ka mono? Oh, ba re, "Ke na le Bophelo."

¹⁷⁹ Empa Bibebe e boletse, "Ea phelang menyakeng o shoele leha a phela." U re u na le Bophelo, athe u shoele. "U re," Bibebe e itsalo, "u na le Bophelo, athe u shoele. U re u morui ha u hloke letho; athe ha u tsebe u soto, u malimabe, u feela, u sefofu, 'me ha u tsebe." Ao ke maemo a likereke bosiung bona, Morena. Kamoo ba fosang linthohali tsena, tse theko e thata.

Ho tseba hobane Jehova Molimo o moholo, O ka hlahisang feela ka...O itse, "Ntlisetseng hlatsoana eo." O ne a tlamehe ho nka hlapi ho—ho bopa ho hong ka eona. Ho supa, hore tsoho e ne e tlamehile ho ba ntho e 'ngoe, eka khona ho etsoe ho hong ka eona. Ha A ka a bopa hlapi feela, empa O bopile hlapi e apehiloeng; O ile a apeha bohobe. 'Me A fepa ba likete tse hlano ka hlatsoana tse hlano...mahojana le lihlatsana tse peli. Oho Morena, e ne e le matsohong a Hae, 'me E ne e le 'Mopi. Empa O ne a tlamehile ho tšoara ho hong seatleng sa Hae.

Molimo, re ke re ipehe matsohong a Hae, bosiung bona, le ho re, "Oho Molimo, nkuke ke le feela. 'Me mohla qetello ea bophelo ba ka, ke tlohe ka tšepo ena e ahileng ka ho 'na, ho tseba hobane ke tsoetse labobeli, 'me le Moea oa Hao o mpaketse, oa pakelana le moea oa ka, hore ke mora oa Hao, kapa moralia oa Hao." 'Me letsatsing leo la ho qetela, U tla boela u ba tsosa. Aba sena, Ntate.

¹⁸⁰ 'Me e re re sa inamisitse lihlooho tsa rōna, o teng ea ka phahamisang letsoho la hae, ho re, "Nkhopole, Moena Branham, thapelang. Ke batla Molimo a ntsebe mohla... pele ke siea lefatše lena, A tle a ntsebe hoo A tla bitsa lebitso la ka. Ke tla arabela." Morena a u hlohonolofatse mora. Molimo a u hlohonolofatse, le uena; le uena, mofumahatsana. Motha e mong hape? Phahamisa letsoho la hao feela. Ho re, "Nthapelle, Moena Branham." Ke seo re tlāng ho se etsa. Molimo a u hlohonolofatse, mofumahatsana e mocha. Ke botle.

¹⁸¹ Joale, e re le sa inamisitse lihlooho tsa lona, thapelang, ke tla bina temana ea sefela sena.

Se rateng matlotlo a feela a fatše lena,
A bolang kapele pele,
Aha tšepo tsa hao ho tsa Bosafeleng,
Le ka mohla ha li fete.

Tšoara tsoho le sa feto'eng la Molimo.
Tšoara tšoho le sa feto'eng la Molimo.
Aha tšepo tsa hao ho tsa Bosafeleng,
Tšoara tsoho le sa feto'eng la Molimo.

¹⁸² E re a sa letsjoale, le lihlooho tsa lona li inamisitsoe, na u ka isa letsoho la hao, ho re, "E, Morena, la ka ke lena?" Ebe hoo ho tla etsang? Ho tla pepesa moea oa hao, ka ho uena, u etsang qeto. "Ke batla letsoho la Hao, Morena." Molimo a u hlohonolofatse, ngoanananyana. "Ke tla phahamisa letsoho la

ka.” Molimo a u hlohonolofatse, ngoananyana, tlase mona. Entle, moratuoa. Molimo, u a tseba, o thabisoa ke ho bona hoo. “Lesang bana ba tle ho ’Na.”

¹⁸³ “Kea batla, Molimo, ke U batla u tšoere letsoho la ka. ’Me ka letsatsi leo, ke ipatla kahara letsoho la Hao; hoo, etlere ha U bitsa, ke tle ke tsoe.” E, joaleka Lasaro. Molimo a u hlohonolofatse, khaitseli.

Eto la rōna mohla le felileng,
Haeba ho Molimo u n’u tiile,
Aho le letle le benyang Khanyeng,
Moea oa hao o tla le boha.

U tla etsang joale, mohlang oo?

Tšoara tsoho le sa feto’eng la Molimo.
Tšoara tšoho le sa feto’eng la Molimo.
Aha tšepo tsa hao ho tsa Bosafeleng,
Tšoara tsoho le sa feto’eng la Molimo.

¹⁸⁴ Ntate oa Leholimo, matsoho a ’maloa a phahame, kahara kopanonyana ena, bosiusng bona, ba re ba batla ho itšoarella, bosiusng bona, ka letsoho la Hao le sa fetoheng, letsoho la Bosafeleng. Re ntse re tseba hobane se beiloeng kalosong ea Hao... U boletse, “Ke... Bohle bao Ntate a ’Neileng bona ba tla tla ho ’Na, ’me ha ho le a mong oa bona ea tlāng ho lahleha. ’Me Ke tla ba tsosa ka latsatsi la bofelo. Ba ke ke ba timela, ba ke ke ba tla kahlolong, ba mpa ba ruile Bosafeleng, Bophelo ba Bosafeleng.” ’Me Bophelo Bosafeleng bo bong feela. Bo tsoa ho Molimo, a inosi. Ke Molimo. ’Me re fetoha karolo ea Molimo, hofihlela re fetoha bara le barali ba Molimo. Efēla ha Moea oa Molimo o ahile ka ho rōna, re nahana joaloka Molimo. Re nahana ka ho loka le ka khalalelo, ’me re leka ho phela ka ho Mo khahlisa.

¹⁸⁵ Abela, Morena, hore mofuta oo oa Bophelo o tle o kene mothong e mong le e mong ea nyolotseng letsoho la hae. Le bao ba neng ba tlamehile ho phahamisa matsoho a bona, ba sa etsa joalo, ke U rapela ho lula le bona. Aba sena, Ntate. ’Me mohla leeto le felileng, bophelo bo felile, re ke re kene khotsong ka letsatsi leo, le Eēna ’moho, moo re sa tl’o tsofala, re sa tl’o kula, mathata ha a sa tla hlaha. Ho fihlela mohlang oo, re baballe re thabile re nyakaletse, re ntse re Mo rorisa, hoba re e kopa ka Lebitso la Hae. Amen.

¹⁸⁶ Lona balumeli bohole, joale, ha re phahamisieng matsoho a rōna re bine lehlaso leo.

Tšoara tsoho le sa feto’eng la Molimo.
Tšoara tšoho le sa feto’eng la Molimo.
Aha tšepo tsa hao ho tsa Bosafeleng,
Tšoara tsoho le sa feto’eng la Molimo.

Joale ha re se bineleng ka marameng. [Moena Branham o qala a binela *Tšoara Tsoho Le Sa Fetoheng la Molimo* ka marameng—Mong.]

¹⁸⁷ Ha le sa etsa hoo, moahisane oa hao; e re, “Molimo a u hlohonolofatse, moahisane.” Tsukutla matsoho le motho ea haufi le uena. “Molimo a u hlohonolofatse.” Ka mahlakore a mabeli joale. Ka nqa tse peli, tsukutlang matsoho. “Molimo a u hlohonolofatse, moahisane. Molimo a be le uena.” Aha litšepo tsa hao linthong tsa Bosafeleng.

Doc, kea e tseba e teng, moena. Kea u tseba haesale u le teng, Moena Neville, khale koana.

Ha eto lena le felile,

E tlil'o etsahala, le leng la matsatsi ana.

Haeba ho Molimo re kile ra tiea,

Re tla bona Moena Seward mono.

Aho le letle le benyang, Khanyeng,
Moea oa hao o tla le boha.

Tšoara tsoho le sa feto'eng la Molimo.

Ke rata thoriso eo, ka morao ho molaetsa.

Tšoara tšoho le sa feto'eng la Molimo.
Aha tšepe tsa hao ho tsa Bosafeleng,
Tšoara tsoho le sa feto'eng la Molimo.

Nako e phalla ka lehala,
Lefatšeng tsohle lia sisinyeha,
Aha tšepe tsa ho tsa Bosafeleng,
Tšoara . . .

Ha re Mo shalimeng, Eo ea sa bonoeng mahareng hona joale, 'me re Mo rorise joale re sa bina.

Tšoara tsoho le sa feto'eng la Molimo.

Tšoara tšoho le sa feto'eng la Molimo.

Aha tšepe tsa hao ho tsa Bosafeleng,
Tšoara tsoho le sa feto'eng la Molimo.

Khotso! Khotso! Khotso e bokoang,

Mo roriseng feela joale.

E theoha koo . . .

Molaetsa o fetile. Ke thoriso.

Phalla mooeng oa rōna, rea rapela,
Ka maqhubu a kooetsa ea lerato.

Tolang ka ho Eèna feela.

Khotso! Khotso! Khotso e bokoang,
E thoeha koo . . .

Mohloli o moholo oo, O a buloa.

. . . holimo;
 Phalla moeeng oa rōna, kea rapela,
 Ka maqhubu a kooetsa ea lerato.

Na hoo ha ho fuluhe ntho e 'ngoe?

Khotso e bokoang,
 E theoha ho Ntate Holimo;
 Phalla mooeng oa rōna, kea rapela,
 Ka maqhubu a kooetsa ea lerato.

Ana ha ho ntho e 'ngoe ka Eona, e enneng le e mosa?

¹⁸⁸ Na motho ea kulang ea batlang ho tlotsoa le ho rapelloa o teng. Haeba a le teng, ipatlele sebaka sa hao. Na enoa ke èèna mofumahali ea lutseng setulong seo sa bakuli? Mo tloheleng mono. Ke tla tla, ke mo rapelle. A ke ke a tlameha ho ema setulong seo sa bakuli. E mong?

Oh, na ha le rate karolo ee ea tšebeletso? Ba bakae ba ikutloang, ba tsebang feela hore Boteng ba Molimo bo teng mona? Ke sona seo ke se bolelang. Eona ntho eo . . . U ikutloa feela eka . . . Ba bakae ba ikutloang eka le ka hooeletsa? Joale ha re boneng feela. Ekare ntho e ka ho uena e batla ho hooeletsa. Ua bona?

Ke khotso! Khotso! Khotso e bokoang,
 E theoha ho Ntate Holimo;
 Phalla mooeng oa rōna, kea rapela,
 Ka maqhubu a koetsa ea lerato.

Ako mponesetse,

¹⁸⁹ E re re sa tlotsisa joalo, re til'o tlotsa bakuli joale, re ba rapelle. Na u ke ke ua tla ua tsoela ka mona, mofumahali?

¹⁹⁰ Ebe sena se bolela'ng? "Thapelo ea tumelo e tla pholosa mobabi." Mang le mang o kene thapelong joale, ako binele sefela seo ka marameng. Nahanang ka Jesu ea folisang bakuli. Mo tlotseng ka oli.



BUKA EA BAHEBERU

Melaetsa ena e leshome le motso o le mong ka Moena William Marrion Branham e reriloeng sethatong ka Senyesemane ho tloha ka Phato 21 ho haola ka Loetse 22, 1957, mane Tabernakele ea Branham, e Jeffersonville, Indiana, Amerika, e ntšitsoe mabanteng a likhatiso a makenete 'me e ngotsoe e sa khutsufatsoa ka Senyesemane. Phetolelo ena ea Sesotho sa Boroa e ngotsoe 'me e phatlalatsoa ke ba ha Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org